

青少年中国古典文学精读·演绎卷

东汉演义

原著 (明) 谢 诏 缩编 张亚琴

山东文艺出版社

56

李3B-7. 44.56
ZW

东汉演义

(上)

原著 (明)谢 诏
缩编 张亚琴

山东文艺出版社

策 划 禅苑工作室
主 编 李淑捷
副主编 博 夫 马嫦娥
编 委 (排名不分先后)
博 夫 李淑捷 李 琦 杨 光
梁乃茹 马嫦娥 铁 周 李志斌
吴献良 张亚琴

青少年中国古典文学精读·演绎卷

东汉演义

原著 (明)谢 诏 缩编 张亚琴

山东文艺出版社出版发行

(济南经九路胜利大街)

山东省新华书店发行

中国地质科学院562印刷厂印刷

*

787×1092毫米 32开本 30印张 650千字

1996年5月第1版 1996年5月第1次印刷

印数 1—8000册

ISBN 7-5329-1342-2

I·1180 定价:38.00元(全十册)

目 录

- 第 一 回 奸计图王侵宝位
玉玺击贼损一隅 (1)
- 第 二 回 全忠硬节老风尘
敛民改制植祸根 (4)
- 第 三 回 三谏不从应至败
肆凶王莽人民怨 (6)
- 第 四 回 邓晨荐杰扶新主
光武求贤会故人 (10)
- 第 五 回 王莽科场选英俊
光武脱险赖冯王 (14)
- 第 六 回 古庙潜逢擎国柱
平坡暂别栋梁材 (20)
- 第 七 回 光武中兴恢汉业
神牛奇遇脱敌围 (25)
- 第 八 回 邓姚山下归明主
韩宰城中却汉兵 (31)

- 第九回 骁将逢遇斗犴虎
邓禹图谋进棘阳…………… (34)
- 第十回 岑彭归附降汉室
名臣会聚克颍川…………… (40)
- 第十一回 紫微跃奔求名将
列宿纷临战昆阳…………… (46)
- 第十二回 严陵避世隐山野
光武率军入长安…………… (53)
- 第十三回 操谋蔽主心过望
杖策追君意远图…………… (57)
- 第十四回 惑拜王郎欺正叶
倾扶汉主灭奸邪…………… (61)
- 第十五回 奸计诬良诛佞贼
雄兵会合破王郎…………… (68)
- 第十六回 平除贼诏萧王职
荐举能封太守权…………… (74)
- 第十七回 五夜禁寒扶帝主
三秦印重拜邓臣…………… (81)
- 第十八回 未破赤眉重拜将
既降盆子宜称臣…………… (88)

- 第十九回 奉诏讨凶安社稷
请兵伐暴拯时危 (93)
- 第二十回 刘君遣将伐骁雄
大将平齐宾仰伏 (100)
- 第二十一回 为国运筹尝数让
拯危决策将俱降 (106)
- 第二十二回 冯异兵临天水破
岑彭师震蜀川惊 (112)
- 第二十三回 吴军克战平巴蜀
汉帝追勋擢庙廊 (118)
- 第二十四回 伏波标柱平交趾
郡守陈章夺虏权 (123)
- 第二十五回 表请诏辞仁智见
图形画像著功多 (129)
- 第二十六回 贤臣避世勤耕织
窦氏居功招祸殃 (133)
- 第二十七回 烈女承恩继史书
邓鹭托亲辞避辱 (143)
- 第二十八回 羽出朝歌民政治
阎临摄职国臣荒 (146)

- 第二十九回 强乘入朝辞懦主
埋轮当道劾奸臣 (149)
- 第三十回 埋金贵德倾京市
跋扈专权害忠良 (154)
- 第三十一回 五侯定计除梁冀
李膺严肃振朝纲 (158)
- 第三十二回 诬忠系党阉焰炽
政繆主荒汉祚移 (166)

第一回

奸计图王侵宝位 玉玺击贼损一隅

话说平帝大臣姓王名莽，字巨君。大元名城人，王曼之子也。曼兄弟八人，俱任公侯之位，惟曼早死，未封。莽自幼孤，伯叔王凤、王崇等抚养。及长，莽恭俭勤身，经书博览，常好整饰衣冠，人谓曰：“儒生屯。”外交英俊，内事诸父，曲有礼意。因元帝选其姑入宫为后，帝崩，立为太后，故封莽为新都侯。爵位益尊，节操愈谦，盛名隆治，胜压诸父。至平帝即位，莽生一女，姿容绝色，貌质超群，进与平帝为妃。遂加莽为皇丈、太师、安汉公、兼领枢密院事。由是莽得专宠，威势日震，国政朝纲，悉握其内。那王莽形颜古怪，气象巉岩，为人心奸性燥，嫉妒贤能，长有窥图汉室之心。后帝再以加九锡之封，凶狂愈肆。

却说元始五年腊月八日，乃平帝寿旦。文武百官各整朝衣象笏，肃候午门之外，待驾临贺。是日，平帝登殿，群臣班列，拜舞扬尘，俯伏金阶之下，庆贺万寿。山呼礼毕，左班倏有一臣，紫袍金带，象简乌靴，手捧金杯，趋上金銮，跪于帝前启曰：“我王万寿！臣无称觞之举，特具椒酌一杯，以表君臣之义。愿我王鉴臣微意！”帝闻奏视之，乃皇丈王莽也。帝思：此人昔有不平之意，恐生毒害。乃佯狂颠倒，推醉不受。谁知，那王莽见帝推辞，竟踊身奋起，扯住龙袍，以酒强灌其口，半倾于身。帝不得已而饮之。顷刻

间，御身倒下龙座，七孔皆流鲜血。殿上百官，各各惊骇，畏不敢言，但吁惜不已。忽御屏风后闪出一人，身長八尺，面颜紫色，相貌堂堂，身穿盘龙袍，腰系白玉带，手持金简，足履乌靴，乃皇叔刘登。见王莽将鸩酒灌死平帝，大骂：“谗贼！汉家有何负汝，安敢逆天行事，杀戮吾君！”莽曰：“而祖上夺取秦朝天下，享此数年之荣；又且凌辱大臣，无端极甚。今天归于我，汝何言哉！”刘登骂曰：“欺天反贼！不思汉王以汝官高爵极，富贵难言，今日忘其大恩，弑身夺位，天理不容！”言讫，手持金简，怒若雷霆，向王莽便打。忽旁边闪出一将，仗剑赶来，大骂：“无知贼子，敢欺君越法，若不斩首为示，恐难服众！”遂拔剑砍登于地，吓得众将俱不敢言。

却说斩死皇叔刘登者，乃殿前大将军苏献也。王莽大喜曰：“将军与我同心，恢复天下，官居极品，与国同体，而不敢忘今日之盛德也！”献闻言，喜不自胜。遂按剑立阶而言曰：“从今日之令，如有不服者，夷簇灭身。竭力匡扶者，封侯拜爵。”众官听罢，一齐应声：“愿同佐护！”王莽曰：“传国玉玺，不知今在何处？”苏献曰：“孝元太后收藏。”王莽即令苏献与弟王寻去取。太后正在后宫，不知弑君之事。有宫女急入，报曰：“今王莽将鸩酒灌死帝王，苏献杀死皇叔，娘娘尚不知故！”太后闻言大惊，登时魂飞气绝，闷死于地。宫娥急救多时方醒，放声大哭，几苏几绝。乃大骂：“贼臣！我汉与汝素无冤仇，何故反君夺位！”言罢复思：此贼既杀吾君，必来取印。遂抱往浇花井投死。将至井，苏献、王寻二人赶上，截住。叫：“太后将印何往？”太后曰：“往前殿投献王莽，尔等何故拦挡？”苏献知太后诈言，向前欲夺。太后见其来夺，思将玉印打死此贼，以报杀帝之冤。遂轮起玉印，望苏献便打。被苏献躲开，一声响处，中于太湖石上。献欲近斩首，太后恐被其辱，急

投井而死。

那苏献见太后自投井死，即捧玉印于手，见已损坏一角，即以金镶之，献与王莽，具说前事。王莽听罢大怒，令弟王钦领三千羽林军搜入宫中，将平帝家属并八百娇娥美女，尽行诛戮，并尽灭刘氏之宗枝。一时，宫中老幼，皇亲国戚，悉皆杀尽。王莽便亲自仗剑，往于前殿。忽见一小儿走出，视之，美貌端然，丰姿俊伟，隐隐君王之像。乃欣然抱之于怀，呼众文武俱往前殿，拜立为君。

是时，王莽亲抱子婴坐于龙榻之上，众百官文武拜伏金阶，山呼礼毕。苏献出班言曰：“今汉朝已罢，天下尽属吾王，又将子婴为帝，为何如耶？”莽曰：“汝不知故！刘氏宗枝，未能悉灭，关外尚王者甚多。今假立为标，使刘氏来朝。如到者，即杀之；不赴朝者，以兵伐之，学取周公旦摄朝之规，使不知吾反汉之策，除却刘氏祸根，免生后患。”众皆然之。遂立为帝，改年号居摄。五月，诏莽称假皇帝。二年，莽依《周书》作《大诰》，令人遍谕天下，言：平帝昏庸，不堪重贵，今已逊位于孺子婴也。三年，王莽自谓威德日盛，大获天人之助。遂召苏献等入后殿，共议即真之事。莽曰：“汉室已倾，吾假子婴为帝，今枉受一虚名，将何如耶？”献曰：“我主威鸣海外，声震京都，天下吏民，悉皆畏服。且子婴乃汉朝枝叶，不可久立为君。倘后养成威锐，我王空费前心。莫若乘此灭之，自取天下，岂不全乎！”王莽久有此意，但未可自专，今见苏献所发，乃欣然答曰：“将军所言甚当！”时以居摄三年改为新始元年，莽即真天子之位，定天下之号曰新。加升苏献为大司马兼领行省事，御弟王寻为大司徒兼领枢密院事，王钦、王邑为左右大将军，王丰为司天大监。文武百官悉封赠讫，各各谢恩而退。

第二回

全忠硬节老风尘 敛民改制植祸根

是日，王莽亲迎汉臣龚胜至殿，谓曰：“久闻太师负经纬之才，故请为太子师友。可为小心海导，倘能立志于朝，则泉下亦难忘矣。”龚胜泪下而言曰：“吾受汉皇重爵，不能为彼支持。今国破君亡，罪宜速死，尚何图显，背主而欲生哉！”王莽曰：“太师非不能忠，今汉皇亡灭，天数然也。太师若肯扶孤创业，亦不失宰相之名，以为子孙相承之计。今何苦执之耶？”言罢不由所愿，强入东宫，即令太子王禹侍听讲读，慢慢制服其心。龚胜见逼，不得已而入宫，嗟吁闷坐，不就饮食，遂饿十四日而死，寿年七十有九。太子王禹急至前殿，报知王莽，言：“太师龚胜不食自死。”王莽喟然叹曰：“真良士也！”遂传敕令葬东门之外。

是时，清明之士又有纪逵、薛方、郇相、唐林、唐遵，皆以明经伤行，显名于世，莽闻其贤，遣使召之。宣至殿下，山呼礼毕。谓曰：“久闻卿等明智贤士，未获亲睹。今幸不弃而来，吾之愿也。”答曰：“陛下圣德仁君，臣等庸才浅薄，不能明政决事，以致主于优游，乞陛下姑纳为用。”莽曰：“有是才，则有是用。卿等明经博览，特请为太子侍读，何故谦耶？”言罢，令入东宫。四人谢恩而去，遂为太子师友。莽见薛方未至，遣使安车以迎。使者见薛方曰：“吾主王莽，久爱贤士，渴想心咳。今特遣吾车迎，请贤士早赴，慰彼之望。”方谢曰：“尧舜在上，下有巢由。今明主方隆唐虞

之德，小臣欲守箕山之节。”使者见不愿，遂回见王莽，具说其言，遂不强令致之。

新建国元年春正月，王莽登殿，召众文武议曰：“子婴原立，今朕为帝，则有二君，将何如耶？”苏献出班奏曰：“天下国家，不可二主。且陛下新居宝位，未见清政，再与肩立并朝，恐后争鸣角胜，百姓怨望。依臣愚度，陛下可灭子婴，而取归一统。庶使万民清乐，四海宴平，愿陛下详察。”莽曰：“子婴原朕立之，若再复灭，是不仁也。”献曰：“陛下既不忍灭，可废之为公职何如？”王莽准奏。苏献奉旨入后殿，废子婴为安定公，孝平皇后为安定太后。

却说汉承平旧之业，府库充实，百官之富，群蛮宾服，天下宴然。莽废子婴而尽得之，其心意犹未满足。欲狭小汉家制度，更为疏阔。故召苏献问曰：“朕闻古之帝王，有分土养民之良法。方一里为一井，其田九百亩，中画井字，界为九区。一区之中，为田百亩；中百亩为公田，外八百亩为私田。八家各授私田百亩；而同养公田，是九分税一。所以，国给民富，而颂声兴作，则刑措不用于世也。至若秦坏圣制而废灭井田，则天下兼并而起贪滥。强者规田以千数，弱者曾无立锥之居。汉氏减轻田租，三十而税一，常有更赋，罢癘咸出，而豪民各相侵陵。贫者无活，则借赁富者田耕，共分所取。富者被上逼税，则侵陵劫夺，多取于租，上取乎中，中取乎下，名为三十税一，实乃十而取五也。故富者囊馀金玉，廩盛粟粮，肥马轻裘，骄而淫肆。贫者衣无足体，食缺充餐，不厌糟糠，穷而奸盗。当此之时，民俱陷于无辜，则刑用而不措也。今朕欲更名天下之田曰‘王田’，奴婢曰‘私属’。贫者不得卖，富者不得买；其男口不盈八，而过田一井者，分馀田与九族。使民者得食，王者得安。卿意若何？”苏献曰：“陛下之仁，胜于文武，无一不当。今若除旧虐政，而复古礼，则天下不日而化也。尚何言哉！”

王莽大喜，遂传旨周谕天下，邻里乡党，敢有不遵井田圣制者，投诸四裔，以御魑魅。于是万民敛怨，士卒苦劳。

第三回

三谏不从应至败 肆凶王莽人民怨

三年，王莽自废子婴之后，恃有府库之富，欲立威武，驱服匈奴。是日设朝，文武百官扬尘拜毕。莽即传旨，令孙惠等十二将率兵攻伐匈奴。严尤急出而谏，莽不从言，率兵前进。以孙惠为先锋，王寻为元帅，王邑、王钦为左右使。是日，点起大军五万，各披重挂，分道并出，金戈耀日，赤帜遮天。行经数日，至边下寨。

却说匈奴单于主听知莽兵临界，急引十万大军至边迎敌。两军对阵，孙惠出马，头顶白银盔，身穿锁子甲，手提黄龙枪，坐下乌骓马。大喝一声：“叫鞑奴决战！”匈奴单于闻言大怒，急提方天戟，跨上追风马，立于阵前。骂曰：“弑君贼子，安敢大言！昔汉帝时，兵强将勇，尚有畏吾之心，年年遣使进贡。汝主莽贼，侵夺刘氏江山，残虐天下百姓。今反敢率兵，与吾争战！三合捉汝，以雪平帝之冤。”孙惠曰：“臊鞑贼奴，不识英雄好汉，早下马降，庶留残命！”言罢，两边摆开阵势，金鼓齐鸣，角声响处，战马嘶风。二人交锋，共斗十合，孙惠败走，单于赶杀。王邑、王钦出马夹攻，二人战无两合，飞走回阵。单于率兵追赶，混杀了一阵。王兵大败，各逃躲闪。匈奴收兵，进入中原。

那王寻等走至一山坡，收点残兵，伤折一半，暂屯安歇。寻谓

众曰：“颇奈臊鞞输吾一阵，又入中原境界，将如之何？”孙惠曰：“元帅少忧，匈奴虽得一胜，则无远智深谋。吾等今认夜，趁其未备，可去偷劫营寨，必然破之！”王寻大喜。至夜二更，即令孙惠等分军五队，按辔潜行。至寨周巡一遍，见其都已浓睡。一声炮响，四门齐入，喊呼震地，叫杀连天。匈奴惊起，昏蒙黑蔽，不识东西。单于慌忙上马，引军望北杀出，被孙惠截住。两马相交，共战十合。单于回东奔走，又遇王寻拦路，约战三合，被单于撞出阵去。王寻剿掠其后，一齐赶上混杀。匈奴大败，遍野伏尸，山积满坡，血涨河流，怨气漫天，号悲鬼泣。王寻将军安寨顿歇。却说匈奴单于走至雁门关屯札，残兵败卒，不上行馀之数，十万军来，俱被伤折。至次日，回胡整集匈奴二十馀万，复入北寨，扰乱中原，杀将夺马，虏掠生民。王寻等知匈奴重整军至，惧怯势大难敌，急班师回朝而去。

王寻等回至长安，入朝见帝。奏曰：“臣领陛下敕旨，北伐匈奴。不意其兵势大，人马精强，五万军兵，被其伤折一半。后臣夜往劫寨，苟得一胜。今匈奴又聚大军二十馀万，已入中原境界，劫掠财物，杀害生民。臣等兵微将寡，不能抵敌，故此大败而回。”王莽闻奏大惊，惶惶无措，乃长声叹曰：“不听严军师之言，今日果有懊恼。”严尤复进奏曰：“陛下勿忧，臣有一计，可退匈奴。”莽曰：“卿何高谋，早为寡我释闷。”尤曰：“自古匈奴志在财帛，陛下广将金帛，遣使议和，免使黎民枉遭涂炭。”莽闻大喜，即将黄金千两，缎绢百车，遣司天监王丰奉书讲和。王丰领旨，即日出朝，上马前行。至北边寨，令人报知匈奴。单于出马，问曰：“汝来何干？”丰曰：“吾主王莽，闻君入界，故遣奉旨，解送黄金千两，缎匹百车，特来进贡大王。免使生民受害，军卒苦劳，乞大王海量，恕纳微意。单于闻言大喜，即将金帛收下，罢甲收兵而去。

却说王莽讲和匈奴，即日回朝，跟兵护卒，唱凯驱歌，入朝见莽，奏凯兵事。王莽大喜，急令光禄排筵，宴劳王丰，重加金帛，酬谢劳苦。自此愈加暴肆作威，苛法复兴，军民残虐。四月征夏税，八月起秋粮。狱讼不决，侵刻小民。富者不能自保，贫者无以自存。剧而枯旱虫蝗，饥馑日炽。于是，诸处并起为盗：荆州新市王匡、王凤，南阳马武，颍川王常、成丹，共聚藏于绿林。多者十数万，少者七八千，扰乱中原，生民涂炭。十二月，王莽召众臣，问曰：“朕自登基之后，未见刻宁，但闻群奸乘衅，旱涝不均，四时失序，民皆怨望，何也？”司天监王丰出班奏曰：“陛下欲安天下，可备香烛拜祷于南郊之外，忏雪罪过，自然风调雨顺，黎庶感安。”莽准奏，传旨著弟王钦监军立造。

王钦领旨，即往南郊，建起高坛三层。是日，文武百官各各拥护王莽至郊，扶莽上坛。王莽端正平天冠，身挂袞龙袍，腰系白玉带，足踏无忧履，手执白玉圭，立于中坛，正视乾宫。祷曰：“莽承天命，抚职山河，遭此旱歉之年，贼风竞起，愿天早赐太平，救拔万民生命。”祝罢，望北而拜。忽御林军一人跃马飞出，高声大骂：“不杀反汉之贼，天下何时太平！”遂于飞鱼袋取出射雕弓，搭上雕翎箭，大喝一声叫：“反贼看箭！”弦响处，射中王莽，倒于地下，众臣急救。回顾那放箭者，原来姓苏名成，字伯和，祖居长安，乃苏武之后人，上界计都星也。原任左卫将军之职，后光武封为镇国上将军，曲临侯，姑且按下不表。

且说苏成射王莽一箭，中平天冠不致其命。武士拿下，推出斩首。苏成笑莽曰：“汝好有福，予命反遭汝手！”莽笑曰：“匹夫小寇，吾赐黄旗一面，御笔亲书‘奉敕叛国降汉苏成’八字与汝，再赐白马一匹，放汝出叫，看有从否？”苏成得令，拍鞍上马，手执叛国黄旗，直奔御林军中。高叫：“王莽今日赐我黄旗一面，御笔亲

书八字于上，著吾叛国。今南阳见有汉室明君，汝众等敢叛莽兴汉者，跟吾同去，惧怯莽贼休来。”众军闻成之言叫，从叛者大半。苏献见军中意变，急奏王莽。言：“军中一变，后恐难服。可急斩成为示，以严旨令。”莽曰：“吾旨著其自叛，不可复拿。”言讫罢坛，众文武簇拥回朝，各散而退。

次日，王莽设朝，忽一人急趋上殿，报曰：“正阳门外，众民大喊一声，见一大禽飞下，立高丈馀，诸鸟遮护。请陛下观是何物。”王莽闻说，即引文武百官，直出正阳门外视之。果见禽高壮大，红嘴人眼，口叫杀声，诸鸟随从。苏献奏曰：“此禽非凡，乃灵鸟凤凰也。圣人云：国家将兴，必有祯祥。文王时鸣于岐山，故生文王，乃贤圣之君，能立周朝八百载之基。今我王新创帝业，遇此祥瑞之物，亦如是也。”莽闻大喜。复有司天监王丰奏曰：“此乃上天雄凤，又名鸞，观其杀伐之声，定主刀兵旱涝。”帝曰：“若此将何治之？”献曰：“无妨，可用三般物祭之，则见凶兆。”帝曰：“若何三物？”献曰：“可用人头、水、谷，观其所食何物。若食人头，则主刀兵竞起。若食水、谷，则主旱涝饥荒。”帝闻奏，传旨：“令杀小军，取头及水、谷等物于此，待吾亲祭。”王丰急奏曰：“陛下不可，今天下未宁，百姓怨望之甚。若再杀人取首，是不仁也。但可以粉假作，何用实首而敛怨哉！”帝准奏，令将三物列于门外。设罢，其禽即下，先食其谷，次食其水，后食人头。食讫，即飞而起，向王莽头上，以翼一打。御林军见，忙将皂盖遮护，其禽即望东南上奔飞而去。王莽见其禽翼打头，心甚疑虑。即罢入朝，急宣文武商议。恐生不测之患。市上小儿谣言“可更天凤元年”，众民皆言“凤凰来至”，遂号天凤三年。

司天监王丰复出奏曰：“臣昨夜观星象，见天皇交杂，紫微光曜后引二十八宿、四圣、九曜诸星，俱临北阙，与我争取天下。”帝

曰：“今在何方？”丰曰：“见在东南方，双女宫下。”王莽复问丰曰：“若此之异，汉帝生在何方？”丰曰：“上临双女宫，应临楚地，依此断决，已生南阳地界矣。”苏献出班奏曰：“此无妨碍，今天下已非汉世之景，尚何忧哉？既有妖星犯阙，臣能治之。”莽曰：“卿何能治？”献曰：“可效秦始皇御驾游压，自然不应。”王莽准奏，遂令姓王者三千，姓苏者八百，同阴阳官引五千军马，于东南方紫微应曜并二十八宿跟护之处，御驾亲压。王丰闻言，急出奏曰：“陛下不可，尧天之年，尚有旱涝之灾。我王但可施仁设政，省刑薄锐，自然反祸为福。且星乃天之灵气，昭曜四方，人岂能压之哉！”言未讫，忽御弟王寻飞出，奏曰：“王丰说者太迂，苏献奏者尤谬。国之根本，诚在于民，民为邦本，本固邦宁。天既生大难，人莫能逃。陛下若欲安民，莫先急于图治。今四方扰乱，贼盗竞起，可传教旨，遍晓各州郡县。开下文武科场，招选天下贤士，镇守诸邦。纵有紫微生降，二十八宿拥护，不能兴创而立也！愿陛下详察。”王莽闻奏大喜，谓曰：“卿言极当。”即传旨颁诏，令百官遍晓天下。再将黄榜令挂湖阳城内人烟集处。众将领旨，是日将榜挂讫。忽一老人，跃马如飞，前来看榜。

第四回

邓晨荐杰扶新主 光武求贤会故人

话说那看榜老人原来姓刘名良，字次伯。为王莽篡国，将刘氏家属老幼人等尽行除灭，逃者皆异其姓，良乃汉景帝之后人，